

Wie die Kön: May:

zu Poln etc. nach eröberter Vestung
Vielscha/ ferner dem Moscowiter ins Land
gerücket / endtlich auch die Statt vnd
Schlos Vielikiluki erobert.



Gedruckt zu Danzig/ durch
Jacobum Rhodium.
M. D LXXX.

Es mit dem Haus Vielissa / welches
Wohne sonder blut stürzen dem Moscowitter getroffen
men worden/ zugangen/ hat man aus dem vorigen
Druck gnugsam vernommen/ re. Nach eröberung dieses hauses
seind wir den 12 Augusti über die Duna dar denn neben
dem Schloss in der eyl eine Brücke geschlagen worden auff
Vielikiluki fort gezogen/ vnd etliche tage durch ganz vnges
wonliche böse neue wege zugebracht/ Und ist vns vnderwegs
gens die Zeitung gebracht/dz auff der andern seiten des Erigen
Zugs die Littawen das haus Vissiwat / welches 16 meilweges
von Vielikiluki lige eingetragen haben/ doch ohne einige
Belegerung oder schiesen/ Denn so bald die Moscowitter
des grossen Königlichen Erigshaussen jnnen worden/ Und
das Kurz zuvor das haus Vielissa auch übergeben/ haben sie
sich willig ergeben. Darumb jnen allen die gnad widerfaren/
das sie frey ziehen oder bleiben möchten wo sie wolten.

Den 26 Augusti/ als wir auff 1½ meil von Vielikiluki
gelegen/ ist der Herr Farnsbach mit seinen Hoffleuten/
auch andere Rittmeister vnd Herrn/ die für niemblaus aus jeder
Rotten voran geschickt/ die gelegenheit der Stadt Vielikiluki
zu besichtigen/ In welcher besichtigung wenig gefilt/ das der
H. Farnsbach mit einer Kugel/ welche aus einem grossen ges
chütz vom Schloss geschoßen/ getroffen were worden/ Als sie
widerkome/ haben sie die Zeitung/ dawon man vorhin albereit
auch gehört hatte/ mit gebracht/ Das die Moscowitter die
Stadt Vielikiluki selbs angefeckt/ vnd ganz vnd gar in die
5000. Heuser abgebrant haben/ Darinnen auch vierzig
Kirchen gewesen sollen sein/ denn es eine sondere grosse han
dels Statt gewesen ist/ von welcher viel auff Nowgarten vnd
Pleslaw verfürt worden/ und ist weit vnd breit zu sehen das es
ein volles reiches Landt herumbmer ist.

Den

Den 27. sehn wir vor Wielkiulsi ankommen / vnd
weil des Moscoviters grosse botschafft nahe vorhande war/
ist ein stillstandt von beiden seiten gehalten worden / vnd wenig
geschossen.

Den 29. ist die Moscovitersche grosse Botschaffe
erstlich für Kön: May: ins feldlager kommen / vnd nach ab-
gelegtem langen gruß ein Credenz schreiben überreicht / Als
nun jnen vergunt worden zu reden / habē sie nichts anders fürs
bracht als mit kurzen worten : Das der König mit seinem
Kriechvolck wider in sein Land sich wider wenden solt / dahin
wil der Grossfürst seine Gesandten verordnen / vnd aller zwis-
stungē halben tractiren lassen. Darauff sie zum ersten / andern
vnd dritten mal gefragt worden / Ob sie nichts anders für zu-
bringen hetten / Und als sie auch etlich mal gesagt / sie hetten
weiter nichts befählich / ist ihnē durch den Herrn Christoff
Radziuil Herrn von Trocken dieser bescheidt worden : Weil
sie mit solcher nichtigen werbung fürkommen / möchten sie
also ohne bescheidt wider anhin ziehen / Seind also in das Lito-
wische Lager beleitet worden / Vnd des Herrn gros Tangs-
lers / als General Obersien haussen / von stundan über das
wasser Lauada gerücket / vnd das Lager auff der andern seiten
geschlagen / Weil aber das grosse Geschütz noch nicht an-
kommen / hat man nichts gethan als Lauffgraben vnd
Schanzkörbe gemacht.

Den 30 Augusti / als der Herr Castellan Schwich-
wowski etwas zu weit aus dem lauffgraben bey nächlicher
weile sich begeben / ist er mit einem haken durchschossen worde.

Den 31 Augusti ist das geschütz ankommen / vnd bey
abend zeit von den Heiducken vor das Haus gezogen worden /
Auch bey nacht die Schanzkörbe auff geworffen / vnd das Ge-
schütz gerichtet worden.

A ij

Darauff

Darauff den 1 Septembris von den unsern angefangen worden zu schiessen/ vnd haben die Poln pre schanzen ges gen einer ecken des Hauses nahe dem flus Lauade gehabt/ Die Hungern aber die ander seiten etwas hōher gelegen eins genommen/welche gegen dem felde gelegen/Ein jede schanze hat 9 grosse stücke gehabt. Durch den Herrn gros Cantler general Obersten ist aufgeruffen vñ öffentlich angeschlagen worden/Welcher das Haus mit fewer anstecken wurde/dem solten 400. sc werd werden vnd darneben fünff Hussen Lans des da es ein Pol were/ Da aber ein ander/ solt ihme gedachte Sutna geldes gegen/ vnd er darneben bey der Rdn: May: 20. zu gnaden Commendirt werden.

Den 2 Septembris ist also aus beiden Schanzen ein aufflauff geschehen / vnd von beiden seiten zimlich viel gutter leut erschossen vnd beschädiget worden/ Darunter auch etliche des Herrn Georg Farnsbach schützen gewesen. Aus der Polnischen Schanzen ist wol fewer angangen/ aber wider auffgangen / Die Ungern aber haben eine Bastey mit gläns den Kugeln zum theil mit Kyen angesteckt/ welche nye recht hat können gelescht werden / Denn sic haben als bald mit ihrcm grossen schaden vnd gefahr die Bastey über ein klein gemachten Tham (denn fast rings vmbher wasser fleust) angelaußfen / vnd die erde welche aus rascen gar dick zusammen geworfen/bon der Bastey weg gegraben/ vnd taq vnd nach sich hinter der Bastey verborgen vnd zu dem holz der Bastey gegraben. Endlich auch vnter einer andern nechstien Bastey etwas puluer untergeleget / welches die erde von der Bastey hinweg gesprengt hat/ vnd also dz fewr desto besser angangen/ Welches den 3 vnd 4 Septembris geschehen ist. Es haben aber die Moscowiter der gestalt vnd so heftig gelescht / das dz fewr nye hat können recht überhand nemen.

Müller

Mitler weil haben die Moscovitischen Gesandten
vider Audienz begeret/ vnd etlich mal kürzlich angezeigt das
sie jre werbung vngern ablegen müssen. Als ihnen aber von
der Kön: May: wider angezeigt worden/das sie nichts solten
gezwungen thun/sondern willig/haben sie alle nach einander
erzelet was sich vorschne Jar zugetragen/ Vnd wen der eine
auff gehöret zu reden/hat der ander angefangen/ Vnd ist end-
lich dieses die Sunna gewesen: Der Grossfürst wölle dem Kön-
nig Polozko lassen/ vnd die Heuser so er das vergangne Jar
eingenommen/ Darneben wil er jme dz Lifflandt lassen welches
er noch hat/ Als Churlandt vnd sonst/ Aus den Heusern aber
die er dem Moscowiter genommen / wil er jme vier einreumen/
Vnd darzu noch zwey für die gefangene/im fal kein aufwech-
sel kan getroffen werden/ Vnd wil also einen fried machen so
lang der König wil. Mit diesem erbieten hat sich jre May:
nicht wöllen Contentiren lassen. Vnd ist auff der Moscowis-
ter begeren einer von den Moscovitischen Gesandten zu dem
Grossfürst geschickt worden / mit jme auch ein Kön: Secretas-
rius welche diesen bescheide dem Grossfürsten bringen: Das
die Kön: May: das ganze Lifflandt begeren/ vñ sol die Bot-
schafft innerhalb 1 2 tagen auff der Post wider komen.

Den 4 Septembris ist die Bottschafft abgefertigt/
vnd eben den tag ist die ander Pastey von den Vngern anges-
steckt worden / welche der abgefertigt Gesandt hat brennen so-
hen. Diesen tag hat der Herr Georg Farnsbach welcher sich
teglich mit grosser gefahr in den Polnischen Schanzen hat
brauchen lassen/mit dem Herrn Gros Camler general beres-
dung gehalten vñ angezeigt: Weil sich die Muscoviter nicht
ergeben wolten/vnangesehen das jre May: sich aller gnaden
gegeninen erbödet/Wie diffals ein schreibē an sic ins Schloss
durch ein geschossen pliz pfeil kommen/ So musste man die

A ij sache

fürche mit einem sturmen ersuchen. Es were aber in andern
Ländern der gebrauch/ dz die Ober vnd Haubtleute selbs vors
an zu sein pflegen / vnd nicht eben das gemeine vnerfahrne
Kriegshuolck in gefahr kommen lassen/ Er für seine person sey
seines gemeinen betrübten Vaterlands halben bey diesem
Zug/ Und wölle sich neben seinen leuten in sturmen voranges
brauche lassen/ Darauff der Herr Gros Cantzler geantwor
tet/dieses würde bey den Rittmeistern vñ Haubtleuten schwer
lich zu erhalten sein / denn es were wider die freihheit/ hat also
solches fürhaben nicht genzlich bewilligen wöllen/ Und hat
die Kön: May: selbs dem Herrn Georg Farnsbach befehlen
lassen/ Er solle sich in solche gefahrt nicht geben/ Es sind aber
gleichwol diesen tag sturmleitern gemacht worden/vnd in bei
den schanzen vnauffhörlich sehr geschossen worden / Wie wol
das feirer gegen den Ungerischen Schanzen wider von den
Moscowitern ist gelescht worden. Endlich bey der nacht/ als
ein grosser fr' entstanden/vñ aus der Polnischen schanz sehr
mit glüende kugeln ist geschossen worden/ Auch darüber einer
von den Poln angelauffen / vnd etwas fewr unter gelegt / der
wind auch sehr gros gewesen / ist das fewr an der Polnischen
seiten angegangen/vnd also überhand genommen/das es weiter
zu leschen nicht möglich gewesen. Die Moscowiter haben zu
lezt geschrien vnd gebetten/ dz man auffhören sol zu schiessen/
Nu wolten sie sich ergeben/ Darauff weiter nichts geschossen
worden/ gegen dem morgen hat dz fewr albereit weit vñ breit
umb sich gefressen/ Vñ haben die Moscowiter sich unferstans
den erslich zu leschen/ Nachmals ist es durch vniordnung ver
blieben. Als der tag ist angebrochen/ ist der Haubtmann Bors
nemissa auff das brennend Haus geritten / vnd befohlen den
Woivoden deren drey/vnd allen heraus zu geben. Die Wo
iwoden sind erslich heraus gefürt vnd der Kön: May: ubers
gehen

geben worden. Darnach ist das ander volck alles von der W
ray herab komen / welche ersilich von den Ungern angestiecke
worden.

Die Heyducken vnd Ungern seind in das Schloß
hinauff gangen / Die andern vnter dem Wahl vnd seitens des
wassers stull gehalten / vnd die Moscowiter meisten teils alle
(aufgenomen die Weiber vnd Kinder / Viewol wir auch viel
gefunden) jämmerlich darnider gehawen vnd gesäbelt / da hat
man ein jämmerlich Spectackel gesehen / wie jr viel verwunde
vñ halb todt in den wasser graben gestürzet worden. Viel seind
bloß nackt aufgezogen / vnd daß gesäbelt worden / Viel stunden
im wasser bis über die mitten / endlich haben sie heraus ge-
must vnd gesäbelt werden.

Ein fürnemer Moscowiter Wasiley Rhaika / Als er
den Herrn Georg Farnsbach ersehen / ist er mit freuden zu jm
gesprungen / vnd sich an sein Steigreiff gehalten / vnd gebet-
ten jm das leben zu fristen / Er wölle solches erstottert vnd
vergeltet / Und berichtet der Herr Georg Farnbach / das er
das ganze Regiment in diesen Landen herumb gehabt hat / die
Woywoden haben jm auch folgen müssen / hat alle geheim-
nis des Großfürsten gewußt / Es seind aber die Hungern also
erbittert gewesen / das sie denselben an den Herrn Farnbachs
sich haltende / gesäbelt haben / Und ist schier der Herr Georg
Farnbach selber darüber beschädigt worden.

Also ist diesen vormittag ein jämmerlich Säbeln vnd
Morden gewest / Und solches ist alles den 5 Septembris ge-
schehen / Das Schlos hat immer gebrent / Die Heyducken
haben durch einander viel heut heraus in der cyl ehe die Heu-
ser abgebrent / getragen.

Entlich

Einflich ist das puluer auch im Schloß angangen vñ die Heuer
der vollends zer sprenget / es ist das Geschütze vnd allerley Rus-
nition zu nichts worden / vnd haben also von dieser eroberung
des Hauses aufs mal wenig nuz vnd frommens / Allein dz
ein herrlich Land herumb ist. Und man saget das in die 70.
meil wegs zu diesem Schlos gehören.

Den 7. September seyn die Todten cörper in die lauff
grieben geschleppt worden / vnd alda begraben / deren bey 2000.
die vbriggen Mañ vnd Weib seind gefangen / vnd sie sagen alle
das jrer bey 10000. gewesen sein.

Iht ist die Kön : May : entschlossen allhie im Feldlager
der Moscowitterischen antwort zu gewarten / mitler weil sol-
len etlich Tausent Mann voran ziehen weiter ins Land / vnd
etliche Heuser hieher gehörend / darunter eines Zerles / wo es
möglich vor diesen Winter einzunemen / man ist auch bedache
wie man dz Haus wider bauen sol / denn an deme viel gelegel
vnd ist natura loci gar vest / dieweil von einer seyten der strom
Lauade so auff Naugarten fleust / gehet / vnd weit herumb ein
tieffer wasser graben ist / vnd sich an etlichen orten das wasser
in drey theil spaltet / Es hat gar viel Müelen gehaft / alles habt
die Moscowitter neben der Statt abgebrendt / ex desperatione
vnd das vns nicht zu gute kommen solte. Datum in Kön :
Feldlager vor Bielikilucki den 8 Septembris.

Anno 1580.